



08. august 2023

UKA 2023/129

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Qanoq iliorutta pisortat suliffeqarfiutaasa namminersortunut unammillerunnaartissinnaanerlugit apeqquteqaat aallaavigalugu oqallisissiasatut siunnersuut.

(Inatsisartuni ilaasorta q Aqqalu C. Jerimiassen, Atassut)

Sinnganeq, taamaanneraaneq, pisoorsuuneraaneq, qaffassimaarneraaneq, usorunneq, aningaasarsiorluartunut akerartuineq ilaalu ilanngulugit, tassaapput ajoraluartumik nunatsinni takornartaajunnaarsimasut namminersorlutik inuussutissarsiuteqartunut nunaqqatitsinnut nunaqqatitsinnit tusarliunneqartartut.

Tamanna qanoq ilillugu allanngorniarsinnaavarput?

Maanna ilinniangaqarsimalluni qaffasissumik naammassisaqaraanni, allaanerluunniit ajorpoq, pissusissamisuuinnartartoq pisortaqarfiit arlaanni, pisortalluunniit pigisaanni suliffeqarfimmi arlaanni atorfinnissaq.

Kiisaluunniit ilaanni eqqarsarnarsinnaalersarpoq, immaq Kineserit oqartussaasui nunatsinnut tikeraaraluaruunik tamatta ataasiakkaarluta tuikkut pattalaassangaluarpaatigut, tassalimi nunarput nunatut kommunisteqarfitoqqatut, suna tamarmi pisortat ataanni ingerlanneqaruttormat.

Allaammi maanna tusartualersimavarput namminersortortatsinnit; unammillertinngooq annerpaat tassaapput pisortat suliffeqarfiutaat.

Takornariaqarneq tassani tikiallariaaanni, oqartoqartuortaluarpoq avataaniinngooq annertuallaamik inangersimaarneqarpugut suliffeqarfiillu avataaneersut kisimik ineriartortut. Illuatungeqarporli tamannattaaq, uani assersuutigieriaaanni, Ilulissat nunatsinni takornariaqarnikkut siuarsimanerpaamik inissisimasuusooq, assigiinngitsunik suliffeqarfinnik minnerusunik nunatsinneersunik peqaraluarpoq alliertungaangitsunik, avataaneersullu suliffeqarfiit arlalissuit alliertorluartut.

Tassanili annerpaamik unammillertaasoq, innutaasunit tamakkiisumik pigineqartoq suliffeqarfik Air Greenlandip suliffeqarfiutaa World of Greenland tassaagunarpoq, iluliarmut toqqaanaq aperingaanni iluarisimaarneqarpallaanngivissoq, annerpaamillu namminersortunut nunaqqatitsinnut tapersersuinngitsuusooq, annerpaamillu avataanit suliertortunit inuttalersungaasoq, tassangooq nunatta tamakkiisumik naamineq pigisaa.

Sooq taama oqallisaaarivunga?



Peqqutaa annerpaaq uani ersersinniagarput tassaavoq, pisortat suliffeqarfiutaasa inerisaasinnaanermikkut ajornannginneralaarsuarmik aningaaserivinniit atukkerneqarsinnaaner at inissisimavoq namminersortunut sanilliullugu, nunattami karsia taakkua qularnaveeqqutigaat. Tupinnartuliaanngilarlu aningaaseriviit qungujulaaqalutik atukkeerusuttassappata.

Naak taava uagut inuiaqatigiittut namminersortunut politikkerput? Sooruna pisortat taama oqartussaaner at sulii annertunerujartuinnartumik isumalluutaatinniaripput? Illit uangalu akileraarutigut tamatta inuiaqatigiittut pigaagut, taakkulu eriagissuagut pinnguassatut isiginagit.

Namminersortortagut nunatsinni oqariartortuartarput, namminersortunut atungassarititaasut naammaginangitsut. Illuanillu nunaqqatigut namminersortortatsinnut asissuiuarput, illuanillu oqalunniarlutik: “sooruna susoqarneq ajortoq, sooruna inerisaasoqanngitsoq, sooruna imerpulluunniit tunisassiarineqanngitsoq”?

Qaammarsaanerulaarsinnaannginnerpugut, oqartariaqalinnginnerpugut imannak; arlaammi inoqapput aallartinngippat aallartittoqarunngilaq! Utaqqiinnaraluarutta qilammiik takkuttussamik utaqqiiluta, ajoraluartumik pisoqarunngilaq.

Tikkuinnarluta ullut arlaanni pisortat iliuuseqarumaarnerat utaqquiartarsinnaanngilarput sumik arlaannik inuussutissarsiummik ingerlaniartoqarnissaanut, killormuusariaqarpoq, pisortat innutaasunut utaqqissapput innuttaasut iliuuseqarnissaannut.

Atassummiit tamassi oqalliseqatigaassi, tigussaasumillu ujartuilluta tamatta angusaqarsinnaaniassagatta.